

ժողովրդին, բայց օգի վնասակարութիւնը այնքան
հակառակեց նրա ջանքերին եւ նպատակներին, որ
երբ ես Մազանդարան գնացի արքունիքի հետ 40
տարի առաջ¹, քրիստոնեաների թիւն իջել էր 400
ընտանիքի առաջուայ 30.000ի տեղ, ինչպէս հաւ-
ատացնում էին ինձ: Ֆարհաբադի եպիսկոպոսն, որ
մի բարի ծերունի հայ քահանայ էր, եւ լաւ ճա-
նաչում էր երկիրը, ինձ ասում էր յաճախ, որ եթէ
չլինէր երկրի արգասաւորութիւնը, որ քաջում է
դէպ իրան շրջակայ ժողովրդներին, նա բոլորովին
անապատ կը մնար, այնքան օդը վնասակար է: Մա-
զանդարանի օգի վնասակարութիւնը այնքան յայտ-
նի է, որ երբ թագաւորը որեւէ մի պաշտօնեայի
նշանակում է այդ նահանգի պետ, կամ Գիլանի՝
նրա ամենահարուստ մասի կառավարիչ, ժողո-
վուրդը ասում է. «արդե՞ք սպանութիւն կամ
գողութիւն է գործել, որ նրան ուղարկում են կա-
ռավարել Գիլանը:» —

Արդեօք բոլոր 30.000 քրիստոնեայ ըն-
տանիքը Հայեր էին, թէ՛ կային նաեւ Վրացիներ,
Շարդէն չէ որոշում. հաւանական է, որ Վրա-
ցիներ եւս լինէին, բայց, մեծամասնութիւնը,
անկասկած Հայեր էին: Չենք կարծում, որ 30
տարւայ ընթացքում 30.000 ընտանիքը, ուրեմն
մօտ 200.000 հոգի, վատ օդից եւ հիւանդու-
թիւններից ոչնչացած լինեն եւ նրանց թիւը
հասած լինի 400 ընտանիքի. անշուշտ, շատերը
նորից վերադարձել են իրանց տեղերը կամ
փոխադրուել այլ տեղեր: Բաց ի Շարդէնի
վկայութիւնից կան եւ եպիսկոպոսական ու կա-

¹ Ուրեմն հայերի փոխադրութիւնից մօտ 30 տարի
յետոյ՝ 1632—33 ին: